

Duh'anh Gawjbanh Ciet Lauxsae Vwnzyi Vanjvei

都安举办教师节文艺晚会

9 nyied 9 hauh banhaemh, Duh'anh Gauhcungh gawjbanh Duh'anh Yauzcuz Swciyen daih samcib it aen ciet lauxsae vwnzyi vanjvei, daengx hagdangz 4000 lai boux lauxsae hagseng yawjngonz. Vanjvei cawjdaez dwg "Ciengqyiengj Guengjsae Siengjmuengh Cungguk • Yisuz Cinghbinj Daengz Gihcwnz", ndaej daengz Guengjsae Yenjiy Cizdonz Gofoux Giyen haeujcoengh. Biujyienj gofoux bauhamz gyo' mbaiq caeuq gingqeiq lauxsae, gangjok gij hohfuk boux guhhong gyauyuz caeuq gij maqmuengh gyauyuz saehnieb Duh'anh.

(Hanz Ginhcinz/韩金秦)



▲ Va gyaeu vunz engq gyaeu.



▲ Gofoux siengjmuengh Cungguk.

Yungzanh: Boux Lauxsae Diegbya Gaemh Faexdwngx Hwnjdangz 37 Bi

融安:山区拐林老师的37个春秋

Yungzanh Yen Dunghgij Yangh Cangzfungx Cunh Siujyoz dwg aen "hagdangz iq" diegbya he, bineix seizcou haggeiz haihag, ngamq miz 4 boux hagseng ngeihniengzaep caeuq 4 boux hagseng yozcenzbanh. Lij Cauzvwnz lauxsae bineix gaenq ndaej 57 bi lo, de dwg aen "hagdangz iq" neix boux lauxsae dog. Lij Cauzvwnz sonsaw gaenq ndaej 37 bi lo, bi 1986 de bae ranz hagseng cunzranz, youq gwnz loh de laemx sieng mbiengj ga ndeu, bienqbaenz bouxga' gvez, gaenx 30 bi neix daeuj, Lij lauxsae baengh ga dog gaemh faexdwngx vih aen "hagdangz iq" neix hwnjdangz.

Lij lauxsae yienznaeuz ga' gvez, hoeng de itcig vih aen "hagdangz iq" neix cengqgengz hwnjdangz, boux dog son gyoengq lwngyez yijvwnz, suyo, ciengqgo daengj 6 monz goq. Cib bi neix daeuj, mboujlnh fwndoeck byajraez, de cungj bae hwnjdangz, mbouj dingz saek dangz saw, de naeuz: "Vihliux hawj lwngyez diegbya ndaej doegsaw, caeuxdi byaij ok diegbya, de nyienh souj youq gizneix, vanzlij mbouj miz saek coenz vah' ienq."

(Cinz Gaijhingh/谭凯兴)



▲ Lij lauxsae gaemh faexdwngx son hagseng guh cozyez.



▲ Hagseng humx youq henz ndang Lij lauxsae dinga danz eimz.

Gih Raeuz Aen Daih'it "Vazyiz Ranzsaw Simndei" Laebbaenz

广西首家“华益爱心书屋”落户壮家小学



▲ Vazyiz Doegsaw Hezvei soengq saw yienhciegz.

9 nyied 9 hauh banhaet, Vazyiz Doegsaw Hezvei Namzningz Faenhvei veicangj Gyangh Dauh caeuq gyoengqvunz simndei nem gicej gungh 14 boux, daiq 1600 lai bonj saw bae Namzningz Si Yunghningz Gih Cungghoz Yangh Cungsam Yozyau, soengq saw hawj gyoengq hagseng, vanzlij youq ranzsaw hagdangz guh venj baiz yizsi, venj hwnj gaiq baiz "Vazyiz Ranzsaw Simndei", yienghneix aen daih' it "Vazyiz Ranzsaw Simndei" cingqsik youq gih raeuz aen hagdangz neix laebbaenz.

(Couh Yi/周玉 Vangz Hauyinz/黄浩云)

Ginhsiu: Yisuz Yauzcuz Gagsij Ciengqyiengj "Siengjmuengh Cungguk"

金秀:原创瑶族艺术唱响“中国梦”

9 nyied 8 hauh banhaemh, Ginhsiu Yauzcuz Swciyen youq Yauzcuz yisuz cungsam gawjbanh cawjdaez dwg "Dizcang Gagsij, Yienj Mwnz Caeuq Gou" heiq siujbinj, diuqfoux gagsij doxdax, haemh haenx gungh miz 12 aen vwnzyidui ndaw yienh camgya doxdax, doeklaeng miz 4 aen vwnzyidui ndaej hingz, 4 aen dui neix youq 10 hauh caeuq 10 aen yanghein vwnzyi daiyaujdui doxdax. Haiguh aen hozdung doxdax neix, muzdiz dwg hoenghvuengh heiq siujbinj, diuqfoux gagsij Yauzcuz, fatyengz naengzliengh ndei, yienh' ok saedceij vwnzva Yauzcuz lai cungj lai yiengh.

(Cinz Haijyen/秦海燕)



▲ Foux.

Lozcwngz: Eu Fwen Ciengqcienz Seveicujyi Hwzsinh Gyacizgvanh

罗城:山歌唱响社会主义核心价值观



▲ Mwnz yawj gyoengq mehmbwk neix eu fwen sim' angq raeuh.

9 nyied 8 hauh banhaemh, youz Hozciz Siveij Senhconzbu cawjbanh, Lozcwngz Yienhvej Senhconzbu ciepbanh "Hozciz Si unglab caeuq hengzguh seveicujyi hwzsinh gyacizgvanh eu fwen hozdung" youq Lozcwngz Mulaujcu Swciyen minzcuz vwnzva gvancangz gawjbanh, gyoengq canghfwen yungh seveicujyi hwzsinh gyacizgvanh guh cawjdaez, guh fwen doiq fwen, sonyinx vunzlai laeb gij gyacizgvanh seiqvunz doiqlah, ndaej daengz bouxyawj bekfwngz haenndeih.

(Mungz Cwnghsw/蒙增师)